



Innkalling for Kommunestyret i Radøy

Møtedato: 20.06.2019
Møtestad: Kommunestyresalen
Møtetid: 18:00

Saksliste:

Saksnr	Tittel
006/2019	Meldingar og referatsaker
007/2019	Forvaltningsrevisjon - tidleg innsats i oppvekstsektoren
008/2019	Rekneskap og årsmelding 2018
009/2019	Ekstraordinære tilskotsordningar 2019 - retningslinjer
010/2019	Disponering av mindreforbruk 2018
011/2019	Tertialmelding januar - april 2019
012/2019	Budsjettregulering vår 2019
013/2019	Søknad om fritak frå politiske verv - suppleringsval
014/2019	Bortfall av bompengefritak for nullutsleppskøyretøy - Nordhordlandspakken
015/2019	Kommunal garanti for lån Aufera AS
016/2019	Inventar til ny barnehageavdeling Solhall
017/2019	Kostnadsramme bygging ny Bø barnehage
018/2019	Plansak 12602013000200 - Kommuneplan for Radøy - temarevisjon - godkjenning
019/2019	Utviding av IKT Nordhordland - kommunalt oppgåvefelleskap, samarbeidsavtale §19

Den som har lovleg forfall eller er ugild i nokon av sakene må melda i frå til kultur- og sørvistorget så snart som råd, tlf 56 34 90 00. Varamedlemmer møter etter nærare innkalling.

13. juni 2019

Jon Askeland
møteleiar

Arthur Kleiveland
utvalssekretær

Radøy kommune

Saksframlegg

Saknr	Utval	Type	Dato
006/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Arthur Kleiveland	19/1341	19/9302

Meldingar og referatsaker

Saksopplysingar:

Det vert lagt fram følgjande meldingar og referatsaker:

- a. Aufera AS - generalforsamling møtebok 6. mai 2019
- b. Bergen og omland havn - møtet i rådet - protokoll 9. mai 2019
- c. BOH AS - BF IKS - informasjon
- d. Interkommunalt Arkiv IKS - protokoll representantskapsmøte 30. april 2019
- e. Kontrollutvalet i Radøy - møteutskrift 3. april 2019
- f. Kontrollutvalet i Radøy - møteutskrift 12. juni 2019
- g. Kystsogevekene - referat representantskapsmøtet 25. april 2019
- h. Regionrådet Nordhordland - protokoll 10. mai 2019
- i. Nordhordland - nøkkeltal 2018 - og utvikling - presentasjon regionrådet
- j. Læreplassar i kommunane - presentasjon regionrådet
- k. Samarbeidsavtale Austrheim, Knarvik og Osterøy vidaregåande skular
- l. Ny kontrollutvals- og revisjonsforskrift - orientering regionrådet
- m. Kunnskapskommunen - Omsorg Helse Vest - presentasjon regionrådet
- n. Venneforeininga ved Vestnorsk Utvandringssenter - regionrådet
- o. Sørsterby-avtalen - regionrådet
- p. Fotoprosjekt Arne Årseth - 100 over HUNDRE - prosjektskildring og søknad
- q. Budsjettbrev - Fylkesmannen i Vestland
- r. E39 Vågsbotn-Klauvaneset - lokale prioriteringar - brev frå Samfrdselsdepartementet
- s. Generalforsamling Bergen og Omland hamn AS – 5. juni protokoll
- t. Representantskapet Bergen og Omland Farvannsforvaltning IKS – protokoll 5. juni
- u. RNHI – representantskapet – protokoll 7. juni
- v. Regionrådet Nordhordland – protokoll 7. juni
- w. NUI – representantskapet – protokoll 7. juni
- x. Nordhordland Revisjon IKS – protokoll 7. juni
- y. Orienteringar rådmann og ordførar

Rådmannen sit framlegg til vedtak:

Meldingar og referatsaker vert tekne til orientering

Vedlegg:

AUFERA AS - generalforsamling møtebok

Protokoll Rådet for Bergen og omland havn 09.05.19

BOH AS - BF IKS - informasjon

Interkommunalt Arkiv IKS - protokoll representantskapsmøte 30.04.2019

Kontrollutval Radøy - møteutskrift 03.04.2019

Møteutskrift Kontrollutval Radøy 12_06_2019

Kystsovekeke - referat representantskapsmøtet 25.04.2019

Protokoll Regionrådet 3-2019, 10. mai

Nordhordland - nøkkeltal 2018 og utvikling _ presentasjon regionrådet

Læreplassar i kommunane _ presentasjon regionrådet

Samarbeidsavtale Austrheim, Knarvik og Osterøy vidaregåande skular

Ny kontrollutvals- og revisjonsforskrift _ orientering Regionrådet 10. mai 2019

Kunnskapskommunen. Omsorg Helse Vest _ presentasjon regionrådet

Venneforeininga ved Vestnorsk Utvandringssenter _ regionrådet

Søsterbyavtalen _ regionrådet

Fotoprojekt Arne Aarseth _ søknad _ regionrådet

Fotoprojekt Årseth - Prosjektskildring for 100 over HUNDRE

Budsjettbrev Fylkesmannen i Vestland _ melding

E39 Vågsbotn-Klauvaneset _ lokale prioriteringar _ svar frå Samferdselsdep.

Generalforsamling Bergen og omland havn AS protokoll 05.06.19 1

Representantskapet I Bergen og Omland Farvannsforvaltning IKS (BF IKS) protokoll 05.06.19

RNHI Representantskapet 7. juni - protokoll

Protokoll Regionrådet 4-2019 7. juni

NUI representantskapet 1-2019 NUI 7. juni - protokoll

Nordhordland Revisjon IKS _ møteutskrift 7.6.19

Radøy kommune

Saksframlegg

Saknr	Utval	Type	Dato
007/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
	18/925	19/9435

Forvaltningsrevisjon - tidleg innsats i oppvekstsektoren

Saksopplysingar:

Bakgrunn

Forvaltningsprosjektet er utført på bakgrunn av kontrollutvalet si bestilling i møte 04.03.2018, sak 14/18 og vedtak om endring i møte 14.11.2018 sak 33/18.

Revisjonen har i prosjektperioden gjennomført dokumentanalyse, vedtaksgjennomgang og intervju med aktuelle tilsette. Det er også gjennomført ei spørjeundersøking blant foreldre. Administrasjonen ved PPT i Radøy kommune har gjeve sine kommentarar til rapporten i brev datert 03.06.2019.

Føremålet med prosjektet er å få ei vurdering av om den kommunale verksemda vert driven i tråd med regelverket, og å skaffa fram informasjon som gjev grunnlag for kommunestyret sitt tilsyn med forvaltninga.

Revisjonen har undersøkt følgjande problemstillingar:

1. Har Radøy kommune system for å sikra tidleg innsats i oppvekstsektoren ?
2. Har Radøy kommune system for å ivareta elevane sine behov ved overgang mellom barnehage, barneskule og ungdomsskule ?
3. Er sakshandsaminga knytt til spesialpedagogisk hjelp og spesialundervisning i samsvar med lovverk og eigne føringar ?
4. Kva syner spørjeundersøkinga utført blant foreldra?

I prosjektet er det tidleg innsats i oppvekstsektoren som er utgangspunktet for revisjonen. For kvar problemstilling er det føreteke ei avgrensing. Revisjonen har utleia følgjande revisjonskriterium for vurdering av kvar av dei tre første problemstillingane.

Problemstilling 1:

- Kommunen bør ha rutinar som sikrar at born sine behov for fagleg utvikling vert kartlagt og vurdert systematisk, at teikn på faglege utfordringar vert følgd opp så tidleg som mogleg, og at det er fokus på førebyggjande tiltak.

- Kommunen skal ha rutinar for årleg rapportering om tilstanden i den kommunale oppvekstsektoren, som gjev grunnlag for at kommunestyret som skuleeigar kan prioritere og vedta overordna tiltak.

Problemstilling 2:

- Radøy kommune bør ha ein overgangsplan for overgangen mellom barnehage og barneskule
- Radøy kommune bør ha ein overgangsplan for overgangen mellom barneskule og ungdomsskule

Problemstilling 3 (generelle handsamingskrav):

- Vedtaket skal innehalda grunngjeving for vedtaket ved å visa til heimelen, faktiske forhold som er lagt til grunn, og kva for omsyn som er vektlagde
- Vedtaksbrevet skal innehalda informasjon om retten til å sjå dokument i saka
- Vedtaksbrevet skal innehalda informasjon om høve til å klaga, klagefrist, klageinstans og framgangsmåte ved klage

Særskilte sakshandsamingskrav for spesialpedagogisk hjelp (5.3):

- Det må føreliggje samtykkje frå foreldra til å tilmelde til PP-tenesta
- Det skal liggje sakkunnig vurdering i samsvar med § 19 d til grunn for vedtak om spesialpedagogisk hjelp
- Foreldra har rett til å gjere seg kjent med og uttale seg kring sakkunnig vurdering før det vert fatt vedtak
- Avvik frå tilrådingane i sakkunnig vurdering skal grunngjevast i vedtaket
- Enkeltvedtak som innvilgar spesialpedagogisk hjelp skal innehalde kva hjelpa skal gå ut på, varighet, timeomfang, organisering, kompetansekrav og tilbod om foreldrerådgeving

I rapporten har revisjonen føreteke ei vurdering og gjeve sin konklusjon for kvart av kriteria som er lista opp ovanfor.

Spørjeundersøkinga vart retta mot foreldre i utvalde årskull, og omhandla foreldra sin tillit til- og dialog med skulen. Resultat av spørjeundersøkinga samanfatar og beskriv korleis foreldre opplever tilhøva og drøftar ikkje korleis dei bør vera.

Det vert peika på at Radøy kommune har vore aktiv i skipinga av «La linea» som konsept for tidleg innsats. I La linea ligg det eit heilskapleg tankesett til grunn. Fleire tiltak i La linea vert utført av helse- og omsorgssektoren. I prosjektet har revisjonen derfor også gjennomført intervju med barnevernsleiar, leiande helsesjukepleiar og tidlegare kommunepsykolog for barn og unge.

Revisjonen har i rapporten gjeve følgjande tilrådingar til endring av Radøy kommune sin praksis og system for arbeidet med tidleg innsats:

- vurderer tiltak for å i større grad forankre overordna styringsdokument i organisasjonen
- arbeider med å utvikle einsarta praksis i barnehagar og skular
- arbeider med erfaringsutveksling innad i organisasjonen og synleggjering og formidling av «dei gode historiane»
- gjennomgår overgangsplanar for barnehage-barneskule og barneskule-ungdomskule for å sikre at desse er fullstendige og i samsvar med praksis i einingane
- gjennomgår kommunale malar for sakkunnig vurdering og vedtak om spesialpedagogisk hjelp og spesialundervisning for å sikre intern konsistens og sakshandsaming i samsvar med gjeldande lovverk.

PPT har i sine kommentarar til rapporten kome med nokre rettingar og tilleggsinformasjon. Revisjonen har føreteke eit par små rettingar i rapporten i samsvar med kva PPT har påpeika.

Radøy, Meland og Lindås skal om eit halvår slå seg saman til Alver kommune. Også i dei to andre kommunane vert det i år gjennomført forvaltningsprosjekt av ulike tenester retta mot barn og unge.

- Lindås: «Arbeidet med å sikre eit trygt og godt skulemiljø» - ferdig aug. 2019.
- Meland: «Helsetilbodet til barn og unge» - planlagt ferdig aug. 2019

Revisjonen meiner den tverrfaglege tilnærminga i konseptet La linea, som Radøy kommune har hatt fokus på, truleg også vil vera ein god arbeidsmetodikk i nye Alver kommune. Revisjonen meiner difor at funn og tilrådingar i dei ulike forvaltningsprosjekta derfor bør følgjast opp i det felles arbeidet med å utvikla system, rutinar og samhandling av tenester for barn og unge i Alver kommune.

Kontrollutvalet i Radøy handsama saka i møte 12. juni.

Kontrollutvalet gjorde følgjande samrøystes vedtak:

Kommunestyret sluttar seg til revisjonen sine konklusjonar og tilrådingar.

Kommunestyret ber rådmannen følgja opp forvaltningsrapporten i samarbeid med dei andre kommunane som skal inn i Alver kommune.

Kommunestyret ønskjer at ein tverrfagleg fokus, som konseptet La linea byggjer på, vert vektlagt i arbeidet med utvikling og utøving av tenester innan barnehage, skule og helse for barn og unge i Alver kommune.

Innan 1. oktober 2019 vert rådmannen beden om å koma med ei tilbakemelding til kommunestyret / fellesnemnda om korleis tilrådingane i rapporten vert planlagt følgd opp.

Kontrollutvalet sitt framlegg til kommunestyret:

Kommunestyret sluttar seg til revisjonen sine konklusjonar og tilrådingar.

Kommunestyret ber rådmannen følgja opp forvaltningsrapporten i samarbeid med dei andre

kommunane som skal inn i Alver kommune.

Kommunestyret ønskjer at ein tverrfagleg fokus, som konseptet La linea byggjer på, vert vektlagt i arbeidet med utvikling og utøving av tenester innan barnehage, skule og helse for barn og unge i Alver kommune.

Innan 1. oktober 2019 vert rådmannen beden om å koma med ei tilbakemelding til kommunestyret / fellesnemnda om korleis tilrådingane i rapporten vert planlagt følgd opp.

Vedlegg:

Forvaltningsrevisjonsrapport juni 2019 - Tidleg innsats i oppvekstsektoren Radøy kommune med vedlegg

Særutskrift kontrollutvalet Radøy - forvaltningsrevisjon 12. juni 2019

Radøy kommune

Saksframlegg

Saknr	Utval	Type	Dato
023/2019	Formannskapet i Radøy	PS	06.06.2019
008/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Sveinung Kvamme	17/2490	19/7109

Rekneskap og årsmelding 2018

Saksopplysingar:

Bakgrunn

Rådmannen legg med dette fram rekneskap og årsmelding for 2018 til godkjenning. Rekneskapen er avslutta pr 15.02.2019 og årsmeldinga er datert 22.03.2019. Revisjonsmeldinga datert 27.03.2019 er lagt inn som ein del av rekneskapsdokumentet.

Kontrollutvalet handsama rekneskap og årsmelding i møte 3. april 2019. Av uttalen går det fram at rekneskapen med notar og spesifikasjonar, saman med årsmeldinga, gir god informasjon til brukarane og kommunestyret. Revisjonsmeldinga har ingen atterhald, og av revisjonsrapporten går det fram at rekneskapen er godt dokumentert og avstemt. Kontrollutvalet har ingen merknader til årsrekneskapen for 2018.

Konklusjon

Rådmannen rår til at rekneskap og årsmelding for 2018 vert godkjent slik dei ligg føre.

Rådmannen sitt framlegg til vedtak:

Rekneskap og årsmelding for 2018 vert godkjent slik dei ligg føre.

Formannskapet i Radøy - 023/2019

FS - handsaming:

Formannskapet vedtok rådmannen sitt framlegg til vedtak.

FS - vedtak:

Rekneskap og årsmelding for 2018 vert godkjent slik dei ligg føre.

Vedlegg:

Rekneskapsdokument 2018

Årsmelding 2018

Møteutskrift Kontrollutval Radøy rekneskap 2018

Radøy kommune

Saksframlegg

Saknr	Utval	Type	Dato
022/2019	Formannskapet i Radøy	PS	06.06.2019
009/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
	19/1271	19/8681

Ekstraordinære tilskotsordningar 2019 - retningslinjer

Saksopplysingar:

Bakgrunn

Radøy kommune har motteke fleire søknader om tilskot som fell utanfor dei ordinære ordningane for kulturmidlar, og som det ikkje er sett av midlar til i budsjettet for 2019. Ei oversikt over innkomne søknader vart lagt fram som meldingssak i formannskapet 9. mai.

På bakgrunn av dette notatet tok ordførar Jon Askeland opp spørsmålet i formannskapet om å lysa ut ei tilskotsordning utanom ordinære ordningar. Ordføraren la fram ei mogleg skisse til ekstraordinær søknadsordning der lag og organisasjonar i Radøy kan søkja midlar til ulike investeringar/tiltak, basert på bestemte kriterier. Tilskotsordninga er tenkt som eit eingongstiltak i 2019. Formannskapet slutta seg til ordføraren sitt innspel, og gav ordføraren i oppdrag å utarbeida eit notat om dette til neste møte i formannskapet.

Ordføraren har på dette grunnlaget lagt fram følgjande notat til drøfting og vedtak:

Radøy kommune løyver kr 2.000.000,- av mindreforbruk 2018 til søkbar tilskotsordning til lag og organisasjonar.

Vilkår for ordninga:

- Ikkje-kommersielle lag og organisasjonar heimhøyrande i Radøy kommune eller organisasjonar med anlegg i Radøy kommune kan søkja om eingongstilskot til investeringar i bygg, anlegg og utstyr som er allment tilgjengeleg.
 - Det vert sett av 1 500 000 kr til investeringar i bygg og infrastruktur på bygg, anlegg, turstiar m.m. som er allment tilgjengeleg. Av desse vert 1 000 000 sett av til større tiltak med 200 000 kr som maksimum løyving pr tiltak og kr 500 000 kr til mindre tiltak med 50 000 kr i maksimal løyving pr tiltak.
 - Det vert sett av 500 000 kr til song/musikk med øvre løyving på 75 000 kr pr lag.

Dersom det ikkje er søknader på begge ordningar, kan det løyvast til den andre ordninga innan totalramma.

- Søknaden skal innehalda ein omtale av tiltak, og budsjett for tiltaket.
- Alle fire bygdelaga skal verta tilgodesett (føreset at det kjem søknader).
- Rådmannen administrerer og lyser ut ordninga. Søknadsfristen vert sett til 1. september. Formannskapet gjer endeleg vedtak i saka.
- Midlane vert utbetalt når vedtaket er gjort. Tiltaka skal vera gjennomførte og midlane skal nyttast innan 2020. Etter at tiltaket er gjennomført skal det leverast ein kortfatta sluttrapport og rekneskap for tiltaket.
- Unytta midlar eller midlar nytta i strid med ordninga, skal betalast tilbake til Alver kommune innan 1. mars 2021.

Rådmannen sitt framlegg til vedtak:

Saka vert lagt fram til drøfting og vedtak.

Formannskapet i Radøy - 022/2019

FS - handsaming:

Formannskapet gav full tilslutning til å oppretta ei eingongs ekstraordinær tilskotsordning til lag og organisasjonar.

Formannskapet vil øymerka to millionar kroner til tilskotsordninga. Vedtak om økonomisk ramme vert gjort i sak om "disponering av mindreforbruk 2018".

Det var semje om å følgjande redaksjonell endring i forslag til retningslinjer/vilkår for ordninga:

Alle fire skulekretsane skal verta tilgodesett (føreset at det kjem søknader).

Etter dette kjem formannskapet med følgjande tilråding til kommunestyret:

Radøy kommune opprettar ei ekstraordinær søkbar tilskotsordning til laga og organisasjonar. Ramme for løyvinga vert vedteke i sak om "disponering av mindeforbruk 2018".

Vilkår for ordninga:

- Ikkje-kommersielle lag og organisasjonar heimehøyrande i Radøy kommune eller organisasjonar med anlegg i Radøy kommune kan søkja om eingongstilskot til investeringar i bygg, anlegg og utstyr som er allment tilgjengeleg.
 - Det vert sett av 1 500 000 kr til investeringar i bygg og infrastruktur på bygg, anlegg, turstiar m.m. som er allment tilgjengeleg. Av desse vert 1 000 000 sett av til større tiltak med 200 000 kr som maksimum løyving pr tiltak og kr 500 000 kr til mindre tiltak med 50 000 kr i maksimal løyving pr tiltak.
 - Det vert sett av 500 000 kr til song/musikk med øvre løyving på 75 000 kr pr lag.
 - Dersom det ikkje er søknader på begge ordningar, kan det løyvast til den andre ordninga innan totalramma.
- Søknaden skal innehalda ein omtale av tiltak, og budsjett for tiltaket.
- Alle fire skulekretsane skal verta tilgodesett (føreset at det kjem søknader).
- Rådmannen administrerer og lyser ut ordninga. Søknadsfristen vert sett til 1. september. Formannskapet gjer endeleg vedtak i saka.
- Midlane vert utbetalt når vedtaket er gjort. Tiltaka skal vera gjennomførte og midlane skal nyttast innan 2020. Etter at tiltaket er gjennomført skal det leverast ein kortfatta

sluttrapport og rekneskap for tiltaket.

- Unyttar midlar eller midlar nytta i strid med ordninga, skal betalast tilbake til Alver kommune innan 1. mars 2021.

FS - vedtak:

Radøy kommune opprettar ei ekstraordinær søkbar tilskotsordning til lag og organisasjonar. Økonomisk ramme vert fastsett i sak om "disponering om mindreforbruk 2018".

Vilkår for ordninga:

- Ikkje-kommersielle lag og organisasjonar heimehøyrande i Radøy kommune eller organisasjonar med anlegg i Radøy kommune kan søkja om eingongstilskot til investeringar i bygg, anlegg og utstyr som er allment tilgjengeleg.
 - Det vert sett av 1 500 000 kr til investeringar i bygg og infrastruktur på bygg, anlegg, turstiar m.m. som er allment tilgjengeleg. Av desse vert 1 000 000 sett av til større tiltak med 200 000 kr som maksimum løyving pr tiltak og kr 500 000 kr til mindre tiltak med 50 000 kr i maksimal løyving pr tiltak.
 - Det vert sett av 500 000 kr til song/musikk med øvre løyving på 75 000 kr pr lag.
 - Dersom det ikkje er søknader på begge ordningar, kan det løyvast til den andre ordninga innan totalramma.
- Søknaden skal innehalda ein omtale av tiltak, og budsjett for tiltaket.
- Alle fire skulekretsane skal verta tilgodesett (føresett at det kjem søknader).
- Rådmannen administrerer og lyser ut ordninga. Søknadsfristen vert sett til 1. september. Formannskapet gjer endeleg vedtak i saka.
- Midlane vert utbetalt når vedtaket er gjort. Tiltaka skal vera gjennomførte og midlane skal nyttast innan 2020. Etter at tiltaket er gjennomført skal det leverast ein kortfatta sluttrapport og rekneskap for tiltaket.
- Unyttar midlar eller midlar nytta i strid med ordninga, skal betalast tilbake til Alver kommune innan 1. mars 2021.

Radøy kommune

Saksframlegg

Saknr	Utval	Type	Dato
024/2019	Formannskapet i Radøy	PS	06.06.2019
010/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Sveinung Kvamme	19/78	19/7116

Disponering av mindreforbruk 2018

Saksopplysingar:

Bakgrunn

Årsrekneskapen for 2018 synte eit mindreforbruk på kr 21.431.337. Pr 1.1.2019 står denne summen i balansen som «Rekneskapsmessig mindreforbruk».

Av balansen går det også fram at disposisjonsfondet er på **kr 23.495.261**. Dette er fordelt slik på «øyremerka» fond:

Fritids- og avlastingstilbod	203 100
Ungdomskommune	64 150
Nynorskpris	60 713
Integrering av flyktningar	4 875 359
Omstilling til ny kommune	4 827 299
Nærings- og infrastrukturfond	2 567 366
Fritt disposisjonsfond	10 897 275

«Øyremerking» av fond inneber at kommunestyret har lagt føringar på bruken. Men dette er ikkje bindande, og kommunestyret kan når som helst fjerna eller omdefinera bruken.

I budsjettet for 2019 er det føresett brukt kr 14.033.000 av eksisterande disposisjonsfond. Det betyr at disposisjonsfondet vil vera redusert til om lag 9,2 mill gjennom budsjettert bruk i 2019. Dette inneber ei betydeleg svekking av kommunen sin økonomiske handlefridom, og rådmannen meiner difor at mindreforbruket i 2018 fullt ut må tilførast fritt disposisjonsfond.

Rådmannen sitt framlegg til vedtak:

Bokført mindreforbruk frå 2018, kr 21.431.337 vert sett av til fritt disposisjonsfond.

Formannskapet i Radøy - 024/2019

FS - handsaming:

Ordførar Jon Askeland sette fram følgjande tilleggsframlegg:

Frå disposisjonsfondet skal det øyremerkast kr 2.000.000,- til søkbar ekstraordinær tilskotsordning til lag og organisasjonar.

Formannskapet vedtok rådmannen sitt framlegg til vedtak, med tilleggsframlegg sett fram i møtet.

FS - vedtak:

Bokført mindreforbruk frå 2018, kr 21.431.337 vert sett av til fritt disposisjonsfond.

Frå disposisjonsfondet skal det øyremerkast kr 2.000.000,- til søkbar ekstraordinær tilskotsordning til lag og organisasjonar.

Radøy kommune

Saksframlegg

Saknr	Utval	Type	Dato
025/2019	Formannskapet i Radøy	PS	06.06.2019
011/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Sveinung Kvamme	19/1122	19/7856

Tertialmelding januar - april 2019

Saksopplysingar:

Rådmannen legg med dette fram tertialmelding pr april 2019, i form av eit eige dokument som er lagt ved saka.

Rådmannen sitt framlegg til vedtak:

Tertialmelding for perioden januar – april 2019 vert godkjent slik den ligg føre.

Formannskapet i Radøy - 025/2019

FS - handsaming:

Økonomisjef Sveinung Kvamme orienterte og sa at drifta er under rimeleg god kontroll. Han melder også om god skatteinngang for mai.

Formannskapet vedtok rådmannen sitt framlegg til vedtak.

FS - vedtak:

Tertialmelding for perioden januar – april 2019 vert godkjent slik den ligg føre.

Vedlegg:

T1_2019_v2

Radøy kommune

Saksframlegg

Saknr	Utval	Type	Dato
026/2019	Formannskapet i Radøy	PS	06.06.2019
012/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Sveinung Kvamme	18/1479	19/7855

Budsjettregulering vår 2019

Saksopplysingar:

Bakgrunn

Rådmannen syner til framlagt tertialmelding for perioden januar – april 2019 og statusrapport på investeringar pr april 2019. Det går fram av dokumenta at det vil vera trong for noko regulering av budsjettet for 2019, og rådmannen legg med dette fram sak om budsjettregulering.

Skjema 1A – frie inntekter.

I høve til vedteke budsjett i desember, vert **rammetilskotet** redusert som følgje av nedgang i folketalet. I budsjettmodellen som låg til grunn i haust, var det føresett eit folketal på 5.135 pr 1.1.2019, men det faktiske folketalet vart 5.091. Dette går ut over inntektsutjamninga, då vår del av skatteinngangen på landsplan vert lågare. Skilnaden utgjer om lag 1,5 mill. I tillegg kjem det ein reduksjon i rammetilskotet på kr 215.000 som følgje av budsjettvedtaket på Stortinget i desember, slik at samla reduksjon av rammetilskotet blir om lag kr 1,67 mill. Om lag kr 200.000 av det reduserte rammetilskotet kjem att som øyremerka tilskot til skulane.

På den andre sida er det grunnlag for ein forsiktig auke på kr 282.000 i **skatteinngangen**, der vi pr april ligg også noko over pårekna budsjett.

Eigedomsskatten vert derimot lågare enn føresett. Dette skuldast fleire tilhøve, dels korrigerering av eigedomsskatt frå tidlegare år etter klage, dels redusert skattegrunnlag etter omtaksering takstnemnda har gjort for ein del næringseigedomar, i samband med bortfall av reglane for eigedomsskatt på verk og bruk. Vi vil få kompensasjon for deler av bortfallet, men den nøyaktige summen er ikkje kjent enno. Førebels er det lagt til grunn at den kommunale eigendelen vert kr 16 pr innbyggjar. For 2019 er bortfallet av eigedomsskatt på produksjonsutstyr og installasjonar rekna til kr 51.643, medan eigendelen er rekna til kr 11.618. Netto kompensasjon for 2019 vert såleis om lag kr 40.000. Etter sju år vil vi nå full effekt, der bortfall av eigedomsskatt utgjer kr 361.505, eigenandelen kr 81.328 og netto kompensasjon kr 280.177. Det kan bli mindre justeringar av eigendelen når

nøyaktige tal er kjende for alle kommunar.

Faktisk utbetalt aksjeutbytte frå BKK i 2019 vart 1,738 mill høgare enn budsjettert, som følgje av eit godt driftsår med gode straumprisar for BKK.

I skjema 1A er det også lagt inn bruk av disposisjonsfond kr 2.066.000 til inndecking av netto tilleggsøyving som går fram av denne saksutgreiinga.

Skjema 1B – drift.

Når det gjeld drifta, ser rådmannen førebels ikkje trong for regulering av løyvinga til **Stab og fellestenester**.

Innan **oppvekst** ser rådmannen trong for å be om ei auka løyving på kr 853.000. I dette ligg ekstra ressursar til Hordabø skule, grunna auka innsats. Vidare var det på Bø barnehage gjort ein feil i budsjettgrunnlaget, slik at det mangla lønsmidlar til vikarar.

Det har også skjedd ein feil i budsjettgrunnlaget slik at løyving til nye datamaskinar til elevane har falle ut. Det er planlagt nye maskiner til alle elevane over ein periode på tre år, med årleg kostnad om lag kr 500.000.

Ved Sæbø skule er det trong for å leggja fram straum til tilfluktsrommet, slik at lokala kan varmast opp og dermed nyttast til lager m.v. Dette er kostnadsrekna til om lag kr 40.000.

På inntektssida vil det koma inn om lag kr 200.000 meir i statlege tilskotsmidlar enn budsjettert.

Også innan **helse og omsorg** er det trong for noko regulering av budsjettet. Rådmannen ber om ei samla tilleggsøyving på kr 191.000 til helse og omsorg. Dette omfattar løyving til kommunepsykolog, som ved ein feil fall ut av budsjettet. Pårekna netto kostnad, inkl pårekna refusjon foreldrepengar er kr 531.000. Det er også nokre mindre justeringar i sektoren, som netto gir ei innsparing på kr 166.000. I tillegg gav den endelege utrekninga av tilskot til ressurskrevjande brukarar for 2018 ei meirinntekt på kr 274.000. Dette vart først avklåra etter at rekneskapen for 2018 var avslutta, og inntekta kjem såleis på 2019.

Av budsjettdokumentet for 2019 går det fram at kommunestyret ønskjer ein investeringsplan for RIB. Som ei førebuing til ein slik plan, ønskjer rådmannen ei utgreiing kring alternativ lokalisering av RIB, m.a. om det noverande bygget til Prestmarka barnehage vil kunna vera tenleg for RIB. Kostnadene ved ei slik utgreiing er førebels uvisse, men rådmannen ønskjer å nytta avsette midlar på omstillingsfondet til føremålet, slik at ein ikkje belastar driftsramma for 2019.

Drift og forvaltning

Det er trong for ytterlegare løyvingar til vedlikehald av kommunale vegar, bygg og anlegg. Dette gjeld mellom anna omsorgsbustadene, Prestbrekka, elektriske anlegg i Radøyhallen og teknisk stasjon. Rådmannen ber om ei ekstra løyving på kr 500.000 til vedlikehald, og ber om fullmakt til å disponera denne tilleggsøyvinga.

Vidare vart kostnadene til brøyting og strøing av vegar noko høgare enn føresett i vinter, og rådmannen meiner at det her trengst ei tilleggsøyving på kr 500.000.

Ved frivilligsentralen vil ein få auka lønskostnader frå hausten, grunna tilsetjing av ny leiar for sentralen, i tillegg til ei mindre justering. Dette utgjer om lag kr 46.000 for 2019.

Kostnadene til reinhald ved nye barnehagelokale i Solhall vil auka, grunna større areal som skal haldast reint. Det er trong for 50% stilling ekstra. For 2019 vert meirkostnaden om lag kr 76.000 inkl arbeidsgjevaravgift.

Samla meirkostnad drift og forvaltning, inkl utvida vedlikehaldsramme er kr 1.122.000.

Investering

Av statusrapporten for investeringar pr april 2019, går det fram at det er trong for noko justering av investeringsbudsjettet for 2019.

Til prosjekt K67601, **Tiltak iht trafikksikringsplan**, er det løyvd 2 mill for 2019. Det er arbeid med ei betre trafikkløysing ved Sæbø barnehage, og kostnadene ved denne vert om lag 2,4 mill.

I 2018 var det føresettt at det skulle opp veglys i Trevegen, men dette vart først utført i 2019, til ein kostnad av om lag kr 750.000. Vidare er det ønskje om veglys frå Solend til Sævdal, kostnadsrekna til kr 1.200.000. Ved Sævdal må det også gjerast ein del støyparbeid mv., kostnadsrekna til kr 150.000. Samla kostnader til trafikksikringstiltak vert såleis 4,75 mill, og det trengst difor ei tilleggsløyving for 2019 på kr 2.750.000 til desse tiltaka.

Prosjekt K21401 **Sæbø skule uteområde** var inne i 2018-budsjettet, men ikkje i 2019. Arbeidet vart slutført i 2019, og det har kome på ekstra kostnader på kr 300.000 til drenering og asfaltering.

Radøy ungdomsskule oppgradering, prosjekt K21901, har ei løyving på kr 500.000 i budsjett 2019, og var planlagt nytta til oppgradering av naturfagsalen. For å få tenlege løysingar, må det gjerast meir arbeid enn først planlagt. Dette gjeld mellom anna ventilasjon og framføring av straum. Prisoverslaget er på 1,6 mill inkludert 20% uføresett og prosjektleiing. Det må såleis løyvast ytterlegare 1,1 mill til dette prosjektet.

Prosjekt K48001 **Turveg/Lysløype Manger** har ei løyving på 3,1 mill i 2019. Det er no ønskje om å løysa ut opsjon på terrasse ved badeplassen, gjera endringar i etappe II, fullføra etappe III og få lys i heile løypa. Vidare er det uttrykt ønskje om utetreningsapparat i tilknytning til løypa. Samla meirkostnad ved desse tiltaka vert om lag kr 2.400.000. Det er også lagt inn kostnader ved framføring av straum til Klesvika kr 150.000.

Ved **Bø barnehage** vert arbeidet med ny barnehage starta opp i sommar, med ei pårekna byggetid på 18 månader. I budsjettet er det sett av 47 mill, noko som er langt meir enn det som vil gå med i 2019. Ved å redusera løyvinga til Bø barnehage med 6,85 mill i 2019, gir dei samla endringane nullverknad på finansieringstrongen for 2019. Rådmannen vil likevel peika på at verknaden kjem i 2020, då løyvingane til Bø barnehage må aukast tilsvarande i høve til vedteken økonomiplan.

Konklusjon

Rådmannen sitt framlegg til vedtak:

Budsjett 2019 vert endra i samsvar med følgjande forenkla skjema 1A, 1B, 2A og 2B

Drift skjema 1A og 1B

Skjema 1A

Redusert eigedomsskatt	400 000
Auka utbytte BKK	(1 738 000)
Redusert rammetilskot	1 669 000
Kompensasjon borfall verk og bruk	(40 000)
Auka skatteinngang	(282 000)

Bruk av disposisjonsfond	(2 075 000)
Sum endring skjema 1A	(2 066 000)

Skjema 1B

Sum stab og fellestenester	-
Sum oppvekst	853 000
Sum helse og omsorg	91 000
Sum drift og forvaltning	1 122 000
Sum 1B	2 066 000

Investering skjema 2A og 2B

Skjema 2A

Bruk av lån, unyttede lånemidler	(5 360 000)
Sum skjema 2A	(5 360 000)

Skjema 2B

Overføring kyrkja	4 700 000
Trafikksikringstiltak	2 750 000
Bø barnehage	(6 850 000)
Sæbø skule uteområde, meirkostnad	300 000
Radøy ungdomsskule oppgradering	1 100 000
Turveg/lysløype Manger	2 400 000
Straum til Klesvika	150 000
Inventar og utstyr Solhall	660 000
Prestegarden/Tingstova	150 000
Sum skjema 2B	5 360 000

Formannskapet i Radøy - 026/2019

FS - handsaming:

Kirsti Gjetle Floen (AP) peika på behovet for vedlikehald og oppgradering av uteområdet og leikeutstyr ved Hordabø skule.

Rådmannen ser på saka til møtet i kommunestyret.

Formannskapet vedtok rådmannen sitt framlegg til vedtak.

FS - vedtak:

Budsjett 2019 vert endra i samsvar med følgjande forenkla skjema 1A, 1B, 2A og 2B

Drift skjema 1A og 1B

Skjema 1A

Redusert eigedomsskatt	400 000
Auka utbytte BKK	(1 738 000)
Redusert rammetilskot	1 669 000
Kompensasjon borfall verk og bruk	(40 000)

Auka skatteinngang	(282 000)
Bruk av disposisjonsfond	(2 075 000)
Sum endring skjema 1A	(2 066 000)

Skjema 1B

Sum stab og fellestenester	-
Sum oppvekst	853 000
Sum helse og omsorg	91 000
Sum drift og forvaltning	1 122 000
Sum 1B	2 066 000

Investering skjema 2A og 2B**Skjema 2A**

Bruk av lån, unyttede lånemidler	(5 360 000)
Sum skjema 2A	(5 360 000)

Skjema 2B

Overføring kyrkja	4 700 000
Trafikksikringstiltak	2 750 000
Bø barnehage	(6 850 000)
Sæbø skule uteområde, meirkostnad	300 000
Radøy ungdomsskule oppgradering	1 100 000
Turveg/lysløype Manger	2 400 000
Straum til Klesvika	150 000
Inventar og utstyr Solhall	660 000
Prestegarden/Tingstova	150 000
Sum skjema 2B	5 360 000

Radøy kommune

Saksframlegg

Saknr	Utval	Type	Dato
019/2019	Formannskapet i Radøy	PS	06.06.2019
013/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
	16/1497	19/8646

Søknad om fritak frå politiske verv - suppleringsval

Saksopplysingar:

Bakgrunn

David Pletten Aasgard har meldt frå at han har flytta ut av Radøy kommune, og han søker om fritak frå politiske verv i kommunen for resten av perioden.

David Pletten Aasgard er medlem i kommunestyret, han er medlem i kontrollutvalet i Radøy - det siste året som nestleiar, og han er kommunalt valt medlem i Samarbeidsutvalet ved Radøy ungdomsskule.

Når ein folkevald flyttar ut av kommunen krev kommunelova at vedkomande trer ut av politiske verv i kommunen.

David Pletten Aasgard representerer KrF i Radøy kommunestyre. Ved suppleringsval til kommunestyret er det automatisk opprykk frå den same grupperinga vedkomande er valt inn for. Det inneber at Finn Frantzen som 1. varamedlem vert fast medlem i kommunestyret i resten av perioden.

Vidare vert det gjort tilsvarende opprykk på varamedlemslista.

Ved utskifting av eitt eller fleire medlemmar i Kontrollutvalet krev lova at det skal gjerast nyval av samtlege medlemmar i utvalet, jf Forskrift om kontrollutval § 3:

Kommunestyret eller fylkestinget kan når som helst foreta nyvalg av utvalgets medlemmer. Ved utskifting av ett eller flere medlemmer av utvalget skal det foretas nyvalg av samtlige medlemmer i utvalget.

Kommunestyret må dermed velja medlemmar og varamedlemmar til kontrollutvalet, og skal også velja leiar og nestleiar i utvalet.

Saka vert lagt fram for formannskapet som valstyre, som skal koma med innstilling til kommunestyret.

Rådmannen sitt framlegg til vedtak:

Formannskapet i Radøy - 019/2019

FS - handsaming:

Finn Frantzen (KrF) er i dag 1. vara til kommunestyret og rykkjer automatisk opp som fast medlem i David Aasgard Pletten sin stad.

Else Marie Skartveit Dale (KrF) sette fram følgjande framlegg:

- Finn Frantzen erstattar David Pletten Aasgard som medlem i kontrollutvalet
 - Arvid K. Aasgard erstattar Finn Frantzen som 2. varamedlem i hovudutvalet for plan, landbruk og teknisk
 - Arvid K. Aasgard erstattar David Pletten Aasgard som medlem i samarbeidsutvalet ved Radøy ungdomsskule
- Når eitt medlem i kontrollutvalet må erstattast, skal heile kontrollutvalet veljast på nytt.

Ordførar Jon Askeland sette fram følgjande framlegg til medlemar i kontrollutvalet:

- Kjersti Haugland erstattar Cyril Marøy som fast medlem.
- Elin Morken erstattar May Iren Sylta som 5. varamedlem

Etter dette sette formannskapet som valnemnd fram følgjande felles framlegg:

Medlemmar i kontrollutvalet:

Astrid Nordanger (AP)
Siv Beate Marøy (H)
Finn Frantzen (KrF)
Nils Bård Nødtvedt (FrP)
Kjersti Haugland (SP)

Varamedlemmar:

1. Karolina Vaktskjold (H)
2. Ludvig Grindheim (SP)
3. Sven Olav Saltnes (AP)
4. Rune Mellingen (KrF)
5. Elin Morken (SP)

Leiar: Astrid Nordanger (AP)

Nestleiar: Finn Frantzen (KrF)

Arvid K. Aasgard erstattar Finn Frantzen som 2. varamedlem i hovudutvalet for plan, landbruk og teknisk

Arvid K. Aasgard erstattar David Pletten Aasgard som medlem i samarbeidsutvalet ved Radøy ungdomsskule

Formannskapet som valnemnd vedtok framlegg sett fram i møtet.

FS - vedtak:

Medlemmar i kontrollutvalet:

Astrid Nordanger (AP)

Siv Beate Marøy (H)

Finn Frantzen (KrF)

Nils Bård Nødtvedt (FrP)

Kjersti Haugland (SP)

Varamedlemmar:

1. Karolina Vaktskjold (H)

2. Ludvig Grindheim (SP)

3. Sven Olav Saltnes (AP)

4. Rune Mellingen (KrF)

5. Elin Morken (SP)

Leiar: Astrid Nordanger (AP)

Nestleiar: Finn Frantzen (KrF)

Arvid K. Aasgard erstattar Finn Frantzen som 2. varamedlem i hovudutvalet for plan, landbruk og teknisk

Arvid K. Aasgard erstattar David Pletten Aasgard som medlem i samarbeidsutvalet ved Radøy ungdomsskule.

Radøy kommune

Saksframlegg

Saknr	Utval	Type	Dato
016/2019	Formannskapet i Radøy	PS	09.05.2019
014/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Jarle Landås	14/1348	19/5565

Bortfall av bompengefritak for nullutsleppskøyretøy - Nordhordlandspakken

Saksopplysingar:

Bakgrunn

Stortinget har vedtatt at fritaksordninga for nullutsleppskøyretøy vert avvikla. Det er lagt opp til at eksisterande prosjekt kan innføra bompengavgift for nullutslepps-køyretøya som ligg mellom 0 og 50 prosent av den ordinære taksten, dersom det er lokalpolitisk tilslutnad til dette.

Som ein del av oppfølginga av Prop. 87 S (2017-2018) har Statens vegvesen, Region vest informert det regionale bompengeselskapet Ferde AS om endringa i takstretningslinjene. Ferde AS har bede om at det vert innført bompengavgift for nullutsleppskøyretøy i dei prosjekta og bompengepakkane i regionen der det er lokalpolitisk tilslutnad om å innføra ei slik avgift.

Statens vegvesen, Region vest sender sak til politisk handsaming i alle kommunar i regionen som har bompengeprojekt eller -pakkar der det ikkje er fatta vedtak om betaling for nullutsleppskøyretøy.

Takst for nullutsleppskøyretøy

Oppheving av fritaket for nullutsleppskøyretøy medfører at kommunane og fylkeskommunen kan vedta kva for eit nivå bompengavgifta for nullutsleppskøyretøy skal ha innanfor intervallet 0-50 prosent av ordinær bompengetakst.

Fylkesutvalet i Hordaland handsama 25. oktober 2018 (sak 254/18) om bompengavgift for nullutsleppskøyretøy, og fatta følgjande vedtak:

1. Fylkesutvalet legg til grunn at alle bompengeprojekt og -pakkar i Hordaland skal ha 50 % bompengar for nullutsleppskøyretøy.
2. For bomringen i Bergen viser fylkesutvalet til allereie vedtekne avtale i Miljøløftet om at elbilar skal

betale ein rabattert takst på ti kroner utanom rushtid, og 20 kroner i rushtida når andelen elbilar når 20 prosent av alle passeringar.

Vedtaket frå Hordaland er i tråd med det Stortinget har slutta seg til at kan leggjast til grunn for nye bompengeprosjekt. Det medfører at kommunane, innanfor ramma av det fylkeskommunale vedtaket, kan velja om ein vil innføra bompengeavgift for nullutsleppskøyretøy på 50 prosent av den rabatterte taksten for dei konvensjonelle køyretøya, eller om ein vil halda på ingen avgift for nullutsleppskøyretøya, slik ordninga i praksis fungerer i dag, etter at Prop 87 S (2017-2018) vart vedteken.

Om kommunane vedtek eit anna takstnivå enn 50 prosent etter rabatt for nullutsleppskøyretøya, vil det slik SVV vurderer saka, krevja ny handsaming i fylkeskommunen.

Nye bompengetakster i Nordhordlandspakken

I Prop. 87 S (2017-2018) er det omtalt at det for nye bompengeprosjekt i utgangspunktet skal leggast til grunn at køyretøy i takstgruppe 2 skal ha 0 prosent av taksten for konvensjonelle køyretøy, dersom det ikkje er fatta lokalpolitiske vedtak om noko anna. Det fylkeskommunale vedtaket spesifiserer ikkje om bompengeavgift for nullutsleppskøyretøya gjeld alle nullutsleppskøyretøy, eller berre dei som sorterer under takstgruppe 1 (inntil 3500 kg). Statens vegvesen legg difor til grunn at det vert opp til kommunane å avgjera om avgifta skal gjelda alle nullutsleppskøyretøy, eller berre dei som sorterer under takstgruppe 1.

Ved innføring av bompenger for nullutsleppskøyretøy for Nordhordlandspakken gjelder følgjande takstar (2017-prisar):

	Takstgruppe 1	Takstgruppe 2
Bompengetakst	Kr 19	Kr 31
Nullutslepp	Kr 7,6	

Takstgruppe 1: Køyretøy med tillaten totalvekt til og med 3500 kg, samt køyretøy i køyretøykategori M1 med elektronisk brikke og gyldig avtale.

Takstgruppe 2: Køyretøy med tillaten totalvekt frå 3501 kg, ekskl. køyretøy i køyretøykategori M1 med elektronisk brikke og gyldig avtale.

Konvensjonelle køyretøy i takstgruppe 1 som passerer med gyldig AutoPASS-avtale og elektronisk brikke får 20 prosent rabatt.

Nullutsleppskøyretøy: Køyretøy med elektrisk motor, og som har drivstoffkode 5 i vognkortet eller HY-registreringsskilt. Redusert takst for nullutsleppskøyretøy krev gyldig AutoPASS-avtale og elektronisk brikke.

Bortfall av bompengefritak for nullutsleppskøyretøy vart presentert for kontaktutvalet for Nordhordlandspakken 13.11.2018. Ein vart i møtet einige om at Statens vegvesen sender sak til lokalpolitisk handsaming i kommunane, slik at ordninga kan vera på plass i i Nordhordlandspakken ved innkrevjingsstart.

Kommunane vert invitert til å gjera likelydande vedtak.

Rådmannen sitt framlegg til vedtak:

Det vert innført bompengavgift for nullutsleppskøyretøy i Nordhordlandspakken.
Nullutsleppskøyretøy til og med 3500 kg skal betala 50 prosent av taksten til takstgruppe 1 etter brikkerabatt.
Nullutsleppskøyretøy i takstgruppe 2 skal betale 0 pst. av taksten til takstgruppe 2.

Formannskapet i Radøy - 016/2019

FS - handsaming:

Formannskapet vedtok rådmannen sitt framlegg til vedtak.

FS - vedtak:

Det vert innført bompengavgift for nullutsleppskøyretøy i Nordhordlandspakken.
Nullutsleppskøyretøy til og med 3500 kg skal betala 50 prosent av taksten til takstgruppe 1 etter brikkerabatt.
Nullutsleppskøyretøy i takstgruppe 2 skal betale 0 pst. av taksten til takstgruppe 2.

Radøy kommune

Saksframlegg

Saknr	Utval	Type	Dato
027/2019	Formannskapet i Radøy	PS	06.06.2019
015/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Sveinung Kvamme	19/892	19/7531

Kommunal garanti for lån Aufera AS

Saksopplysingar:

Bakgrunn

Det ligg føre ny søknad om kommunal garanti for lån frå Aufera AS. Dette er eit fullt ut kommunalt eigd aksjeselskap, med Austrheim, Fedje og Radøy som aksjonærar. Radøy har 47% av aksjekapitalen. Selskapet er ei godkjend VTA-verksemd.

Aufera AS søkte også om kommunal garanti i 2018 i samband med mogeleg overtaking av Manger Fiskeindustri sine lokale på Manger kai, men kjøpet vart ikkje realisert.

Denne søknaden gjeld overtaking av ein seksjon av gnr 45, bnr 264, der REMA 1000 tidlegare hadde lokale. Grunnflata er om lag 750m², nær det doble av arealet i noverande lokale. Større lokale gjev høve til å auka omsetninga i vaskeriet, verkstaden og kjøkkenet. Det kan også bli høve til å etablere ein «kafékrok» i tilknytning til kjøkkenet. Aufera har stor tru på at nye, større og meir høvelege lokale vil gje grei auke av omsetnaden. Det er lagt fram drifts- og likviditetsbudsjett som syner at dei auka rente- og avdragskostnadene kan forsvarast.

Det må gjerast omfattande ombyggingsarbeid i nye lokale, og det er innhenta tilbod på arbeida, som totalentreprise. Kostnadene til kjøp av seksjonen er 7,9 mill, og kostnadene til ombygging er 4,6 mill, til saman 12,5 mill.

Noverande eigedom i Mangersnesvegen har fått ein takst på 4 mill. Denne eigedomen skal seljast, og salssummen skal nyttast til nedbetaling av lån. Det er likevel uvisse knytt til faktisk salsverdi, og når eit slik sal let seg realisera.

Aufera AS søkjer såleis om kommunal garanti for lån kr 12,5 mill, med 30 års nedbetalingstid.

Vurdering

Når Aufera AS likevel søker om kommunal garanti, ser rådmannen dette i sammenheng med at både styret og generalforsamlinga har uttrykt klår støtte til å kjøpa den aktuelle seksjonen. Rådmannen vurderer såleis søknaden om garanti først og fremst som ei politisk sak, der ein ønskjer å «sikra» eit VTA-tilbod for noverande Austrheim, Fedje og Radøy.

Rådmannen vil peika på at ein kommunal garanti utgjer ein økonomisk risiko, sjølv med pant i eigedomen. Rentekostnaden på eit lån på 12,5 mill er kr 250.000 det første året, og dette går rett på «botnlina» i rekneskapen til Aufera . I praksis må omsetninga auka monaleg for å kunna dekkja inn denne meirkostnader. Avdrag vert ikkje kostnadsførte, men representerer ei årleg utbetaling på kr 416.666 i 30 år, og dette vil vera ein betydeleg likviditetsbelastning for selskapet. Rådmannen vil peika på styret i Aufera sitt ansvar for at selskapet faktisk er i stand til å greia denne auka belastninga over tid.

I samband med tidlegare sak om garanti for 2 mill, er det inngått avtale med Austrheim og Fedje om høvesvis deling av ansvar for mogeleg konstatert tap som følgje av garantien.

I «ytterste konsekvens» kan Radøy kommune risikera å tapa 47% av nær 14 mill, dvs om lag 6,6 mill. Rådmannen ser likevel denne risikoen som minimal. Skal ein først vurdere risiko, er det meir sannsynleg å tenkja ein situasjon der kommunen må dekkja t.d. ein avdragstermin på lånet som garantien er knytt til. Avtalen med Austrheim og Fedje tar ikkje opp i seg slike situasjonar, men dekkjer berre eit endeleg konstatert tap. Med så vidt lang garantitid som det er tale om her, må det difor etablerast ein ny avtale med Austrheim og Fedje, som også omfattar mogelege utbetalningar i garantiperioden.

Rådmannen føreset også at Radøy kommune får tinglyst pant i seksjonen for all garanti som er stilt, dvs 14,35 mill.

I høve til kommunesamanslåinga, vil Alver I prinsippet overta alle Radøy sine forpliktingar. Eigarskapsmeldinga for Alver skal opp til handsaming i fellesnemnda, og Aufera er nemnt som ei av verksemdene som må vurderast nærare. Dette skal etter planen gjerast i juni månad. Rådmannen ser likevel ikkje at denne handsaminga er noko hinder for å kunna gje kommunal garanti.

Konklusjon

Etter ei samla vurdering, går rådmannen inn for å gje kommunal garanti for Aufera AS I samband med kjøp av seksjon i gbnr 45, bnr 264 med kr 12,5 mill.

Radøy kommune garanterer med sjølvskuldnargaranti for lån i Kommunalbanken som Aufera AS tek opp til kjøp av seksjon i gnr 45, bnr 264 I Radøy kommune.

Garantien gjeld for hovudstolen på lånet, maksimalt NOK 12.500.000, med tillegg på 10% av til ei kvar tid gjeldande hovudstol, til dekking av mogelege påkomne renter og kostnader. Kommunen sitt maksimale garantiansvar kan ikkje overstiga NOK 13.750.000.

Garantiansvaret vert redusert i takt med nedbetalinga av lånet, og opphøyrer etter 30 år, med tillegg

av inntil 2 år, jf garantiforskrifta §3.

Garantivedtaket skal godkjennast av Fylkesmannen i Vestland.

Det er ein føresetnad for å gje garanti at det vert etablert avtale med Austrheim og Fedje om høvesvis fordeling av mogelege utbetalingar under garantien.

Rådmannen sitt framlegg til vedtak:

Radøy kommune garanterer med sjølvskuldnargaranti for lån i Kommunalbanken som Aufera AS tek opp til kjøp av seksjon I gnr 45, bnr 264 I Radøy kommune.

Garantien gjeld for hovudstolen på lånet, maksimalt NOK 12.500.000, med tillegg på 10% av til ei kvar tid gjeldande hovudstol, til dekking av mogelege påkomne renter og kostnader. Kommunen sitt maksimale garantiansvar kan ikkje overstiga NOK 13.750.000.

Garantiansvaret vert redusert i takt med nedbetalinga av lånet, og opphøyrer etter 30 år, med tillegg av inntil 2 år, jf garantiforskrifta §3.

Garantivedtaket skal godkjennast av Fylkesmannen i Vestland.

Det er ein føresetnad for å gje garanti at det vert etablert avtale med Austrheim og Fedje om høvesvis fordeling av mogelege utbetalingar under garantien.

Formannskapet i Radøy - 027/2019

FS - handsaming:

Kirsti Gjetle Floen (AP) sit i styret i Aufera AS, og ba formannskapet vurderer hennar habilitetet i saka. Formannskapet erklært Floen inhabil, og ho deltok ikkje i handsaminga av saka.

Økonomisjef Sveinung Kvamme orienterte og svara på spørsmål.

Formannskapet ser behovet for nye lokale til verksemda, og det vart peika kor viktig det er å ha denne typen arbeidsplassar.

Formannskapet vedtok rådmannen sitt framlegg til vedtak.

FS - vedtak:

Radøy kommune garanterer med sjølvskuldnargaranti for lån i Kommunalbanken som Aufera AS tek opp til kjøp av seksjon I gnr 45, bnr 264 I Radøy kommune.

Garantien gjeld for hovudstolen på lånet, maksimalt NOK 12.500.000, med tillegg på 10% av til ei kvar tid gjeldande hovudstol, til dekking av mogelege påkomne renter og kostnader. Kommunen sitt maksimale garantiansvar kan ikkje overstiga NOK 13.750.000.

Garantiansvaret vert redusert i takt med nedbetalinga av lånet, og opphøyrer etter 30 år, med tillegg av inntil 2 år, jf garantiforskrifta §3.

Garantivedtaket skal godkjennast av Fylkesmannen i Vestland.

Det er ein føresetnad for å gje garanti at det vert etablert avtale med Austrheim og Fedje om høvesvis fordeling av mogelege utbetalingar under garantien.

Radøy kommune

Saksframlegg

Saknr	Utval	Type	Dato
013/2019	Formannskapet i Radøy	PS	09.05.2019
016/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Sveinung Kvamme	19/691	19/5123

Inventar til ny barnehageavdeling Solhall

Saksopplysingar:

Kommunestyret har i sak 032/2018 vedteke investeringsramme for ombygging Solhall byggetrinn 1, til kr 32.000.000. Dette omfatta kjøp av eigedomen og bygningsmessig oppgradering av anlegget.

Anleggsarbeidet følgjer planlagt framdrift, og ein har no starta planlegging av drifta som skal vera i bygget. Innkjøp av inventar og utstyr til den nye barnehageavdelinga er ikkje ein del av kostnadsramma. Årsaka til dette er at prosjektet var definert nettopp til kjøp av bygning og bygningsmessig oppgradering. Anbudsprosessen er byggrelatert, og det ville ikkje vera hensiktsmessig å ta inn inventar og utstyr som ein del av denne anbudsprosessen.

Det finst ein del inventar og utstyr på Dale, på Bø og på Solhall, men mykje av dette er gamalt og velbrukt og må skiftast ut. Rådmannen meiner det må vera rett å tenkja heilskap her, slik at barnehageavdelinga framstår som tidsriktig, både bygnings- og inventarmessig. Det trengst nye sitjegrupper til personalrom, bord og stolar til møterom, kontorpultar, kontorstolar og hyller til arbeidsrom og ymse inventar til avdelingane. I tillegg kjem smarttavler, infotavler og anna IKT utstyr.

Samla kostnad er estimert til kr 600.000, medrekna 5% til utføresette kostnader. Rådmannen vurderer dette som eit svært nøkternt overslag, og meiner at det bør setjast av ytterlegare 10% til andre utføresette kostnader, slik at samla kostnadsramme for inventar og utstyr vert sett til kr 660.000,-. Dete vert oppretta nytt prosjektnummer 27135 for rekneskapsrapportering skjema 2B.

Rådmannen rår til at investeringa vert finansiert ved bruk av unyttta lånemidlar.

Rådmannen sitt framlegg til vedtak:

Kostnadsramme for investering i inventar og utstyr til ny barnehageavdeling på Solhall, prosjekt nr

27135, vert sett til kr 660.000. Finansiering ved bruk av unyttta lånemidler.

Formannskapet i Radøy - 013/2019

FS - handsaming:

Formannskapet vedtok rådmannen sitt framlegg til vedtak.

FS - vedtak:

Kostnadsramme for investering i inventar og utstyr til ny barnehageavdeling på Solhall, prosjekt nr 27135, vert sett til kr 660.000. Finansiering ved bruk av unyttta lånemidler.

Radøy kommune

Saksframlegg

Saknr	Utval	Type	Dato
014/2019	Formannskapet i Radøy	PS	09.05.2019
017/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Sveinung Kvamme	19/616	19/4568

Kostnadsramme bygging ny Bø barnehage

Saksopplysingar:

Bakgrunn

Arbeidet med ny barnehage på Bø har halde på i ei årrekke, og ein har no fått pris på totalendrepris på prosjektet.

I åra 2016 – 2018 har det kome på kr 2.597.717,44 til planlegging, arkitekt, miljørapport, brannkonsept etc.

I 2019 og 2020 vil det koma på kostnader til totalentreprenør, arkitekt, byggherreombod, prosjektleiar og administrasjon. Totalentreprisen utgjer kr 59.621.933, resterande kostnader er estimert til kr 915.000. Totalentreprisen omfattar grunn- og byggearbeid, medrekna parkeringsplass og leikeareal med faste leikeapparat.

Inventar og laust utstyr er ikkje med i totalentreprisen, og heller ikkje med i kostnadsramma.

I tillegg meiner rådmannen at det må setjast av 10% til uføresette kostnader. Sjølv om dette er eit nybygg, vil ein kunna møte utfordringar som krev arbeid ut over det som er føresett i entreprisen. Dette gir ein samla kostnadsramme for åra 2016 – 2020 på kr 69.188.343, avrunda til kr 69.200.000,-.

Det er gjort overslag over kostnader til inventar og utstyr på om lag 3 mill, men dette er førebels for grovt til at det kan vera grunnlag for å fastsetja ei investeringsramme. Løyving til inventar og utstyr vert såleis å koma attende til i samband med budsjettet for 2020.

Rådmannen sitt framlegg til vedtak:

Kostnadsramme for bygging av ny barnehage på Bø vert fastsett til kr 69.200.000,- inkluder meirverdiavgift.

Formannskapet i Radøy - 014/2019

FS - handsaming:

Formannskapet vedtok rådmannen sitt framlegg til vedtak.

FS - vedtak:

Kostnadsramme for bygging av ny barnehage på Bø vert fastsett til kr 69.200.000,- inkludert meirverdiavgift.

Radøy kommune

Saksframlegg

Saknr	Utval	Type	Dato
032/2019	Formannskapet i Radøy	PS	06.06.2019
018/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Rolf Raknes	14/276	19/8520

Plansak 12602013000200 - Kommuneplan for Radøy - temarevisjon - godkjenning

Saksopplysingar:

Saka gjeld delrevisjon av Kommuneplan for Radøy kommune 2011-23.

Formannskapet er styringsgruppe for arbeidet med delrevisjon av kommuneplan for Radøy og får i denne saka planframlegg til vurdering om det kan leggst fram til kommunestyre for godkjenning.

Saksgang og prosess

Formannskapet i Radøy kommune gjorde i møte 12.09.13, sak 040/2013, vedtak om oppstart av delrevisjon av Kommuneplan for Radøy kommune 2011-23.

Formannskapet i Radøy kommune gjorde i møte 05.06.17, sak 054/2014, vedtak om oppstartsvarsel og offentlig ettersyn for planprogram. Oppstartsvarsel og framlegg til planprogram vart sendt på høyring med merknadsfrist 20.08.14.

Kommunestyret fastsette planprogram for delrevisjonen i møte 29.01.15, sak 010/2015.

Formannskapet i Radøy kommune gjorde i møte 08.11.2018, sak 075/2018, vedtak om 1. gongs høyring og offentlig ettersyn.

Kommuneplanen har vore på 1. gongs høyring og offentlig ettersyn i perioden 20.11.201-15.01.2019. Hordaland fylkeskommune og Fylkesmannen i Vestland fekk utvida høyringsfrist.

Rådmannen har vore i møte med Fylkesmannen i Vestland og Statens vegvesen den 23.01.2019.

Hordaland fylkeskommune har kome med motsegn i brev datert 19.02.2019 og fylkesmannen har kome med tilbakemelding i brev datert 18.02.2019.

Basert på tilbakemeldinga frå Fylkesmannen i Vestland og motsegna frå Hordaland fylkeskommune har Rådmannen arbeidd med planforslaget og sendt revidert planforslag på avgrensa høyring til dei aktuelle partane og Statens vegvesen i perioden 03.05.2019 til 31.05.2019.

Fylkesmannen i Vestland har kome med revidert uttale i brev datert 31.05.2019. Hordaland fylkeskommune har per telefon stadfesta at motsegna fell bort etter revidert planforslag. Stadfesting på dette vil sendast kommunen gjennom sakssystem.

Rettsleg grunnlag

Plan- og bygningslova § 11-15:

«Kommunestyret selv vedtar kommuneplanen. Dersom kommunestyret vil treffe vedtak om kommuneplanens arealdel som medfører en bruk av arealer som ikke har vært gjenstand for høring under planbehandlingen, må de deler av planen som ønskes endret, tas opp til ny behandling.

Planen skal kunngjøres og gjøres tilgjengelig gjennom elektroniske medier. Et eksemplar av planen skal sendes til departementet, fylkesmannen, regional planmyndighet og berørte statlige myndigheter.

Kommunestyrets vedtak om kommuneplan kan ikke påklages.»

Vurdering

Det er rådmannen si vurdering at plandokumenta er utarbeidd i samsvar med Plan- og bygningslova, Kart- og planforskrifta og fastsett planprogram (KS-sak 010/2015).

Planframlegget er ein temarevisjon og vurderingane i planarbeidet er såleis avgrensa til dei tema revisjonen omfattar. Verknaden av temarevisjonen er omtalt i revidert planskildring. Det er også utarbeidd eiga konsekvensutgreiing for dei nye områda for LNF-spreidd bustad eksisterande (LNF-SBE).

Innkome merknader er gjennomgått og vurdert i vedlagt merknadsskjema. Administrasjonen har i planprosessen hatt tett dialog med Hordaland Fylkeskommune og Fylkesmannen i Vestland.

Hordaland fylkeskommune hadde motsegn til følgjande punkt;

7. *Utval for kultur, idrett og regional utvikling* fremjar **motsegn** til Radøy kommune sin delrevisjon av kommuneplanens arealdel 2011 – 2023, som er i strid med kulturminne av nasjonal interesse, på følgjande punkt:
- I. Områder som er bandlagt etter kulturminnelova (H730) er ikkje tilstrekkelig integrert i plankartet. Alle automatisk freda kulturminne skal visast i plankartet.
Motsegn fell bort når kommunen synleggjer alle dei automatisk freda kulturminna med tilhøyrande sikringssone som omsynssone.
 - II. Riksantikvaren sitt forslag til føresegnar for Manger, Sæbo og Hordabo mellomalderkyrkjestader må innarbeidast i planføsegna, og visast i plankartet.
Motsegn fell bort om kommunen tek omsyn til Riksantikvarens krav
 - III. Nokre av områda definert som LNF – SBE inneheld registrerte automatisk freda kulturminne. Dette gjeld:
 - Askeladden id. 135339 i Vetås (gnr. 86, bnr. 3).
 - Askeladden id. 55258 i Olsvoll (gnr. 74, bnr. 49).
 - Askeladden id. 85030 i Sæbo (gnr. 88, bnr. 5 og 4).*Motsegn fell bort om arealføremål LNF vert vidareført i ny kommuneplan for aktuelle automatisk freda kulturminne.*
 - IV. Områda definert innafor LNF - SBE med unntak av dei nemnd i punkt III må reduserast.
Motsegn fell bort når byggeområdet blir meir i tråd med føsegna sitt formål og innskrenka til å gjelde eksisterande hus med opparbeida hage.

I tillegg hadde dei motsegn på at det må innarbeidast føresegn knytt til handel i samsvar med regional plan for attraktive senter i Hordaland.

Motsegna omhandlar i hovudsak omsyn til kulturminne.

Vidare var det uttalt følgjande;

8. *Utval for kultur, idrett og regional utvikling* har særlege kulturminnefaglege merknader som det ikkje er knytt motsegn til, desse er lista opp i saksframlegget. Me ber kommunen om å ta omsyn til desse i sitt endelege plandokument.
- I. Utval for kultur, idrett og regional utvikling ber kommunen om å endre område Fosenstraumen/Rapeneset vist som H-730 til H-570, og at det enkelte automatisk freda kulturminnet med tilhøyrande sikringssone blir vist som H-730 omsynssone d. Me ber også om at det blir knytt konkrete planføsegner og retningslinjer til områda.
 - II. Utval for kultur, idrett og regional utvikling har ikkje gjennomført arkeologiske registreringar i heile kommuneplanens areal. Fylkeskommunen må ta atterhald om byggeområder og LNF spreidd (LNF-SBE og LNF-SB) i kommuneplanen sin arealdel, inntil § 9 i kulturminnelova er oppfylt for dei einsskildre byggeareal, og tilhøve til automatisk freda kulturminne er avklart. Dette gjeld både land- og sjøområder.
 - III. Føresegn 2.16 tredje og fjerde ledd er uklar og må endrast til: *Hordaland fylkeskommune/Riksantikvar har uttalerett i alle søknadspålegg som gjeld riving eller vesentleg endring av ikkje-freda bygg og anlegg eldre enn 1850 samt listeførte kyrkje og den indre farleia.*
 - IV. Under føresegn 4.11 må følgjande settast inn: *Hordaland fylkeskommune er forvaltningsmynde i høve kulturminnelova i saker som omfattar automatisk freda kulturminne.*

Plandokumenta er oppdatert slik at Hordaland fylkeskommune sine motsegner og kommentarar i hovudsak er tatt til følgje. På den bakgrunn har Hordaland Fylkeskommune trekt motsegna.

Fylkesmannen i Vestland har i sin uttale datert 18.02.2019 vist til følgjande;

Plandokumenta er oppdatert slik at Hordaland fylkeskommune sine motsegner og kommentarar i hovudsak er tatt til følgje. På den bakgrunn har Hordaland Fylkeskommune trekt motsegna.

Fylkesmannen i Vestland sin uttale 18.02.2019:

Fylkesmannen har ikkje mottatt motsegn frå andre statsetatar til denne planen, men viser til uttale frå Statens vegvesen. Statens vegvesen og kommunen hadde eit arbeidsmøte på Statens hus 23.01.2019. På dette møtet blei det fleste av problemstillingane i denne uttalen diskutert og vi oppfatta at det vart semje på dei viktigaste punkta.

Fylkesmannen sine merknader:

Strandsone

Det er utarbeidd ein funksjonell strandsoneanalyse, og byggegrensa mot sjø er endra i planen. Kommunen har nokre stader byggegrensa i LNF-formål. Dette er ikkje gjort mange steder, men til dømes ved Austrevågen, Såthøyen, Grønholmen, Vågenes og ved Storheimsstølen ligg det inne grense. Fylkesmannen meiner det ikkje bør settast byggegrensa i LNF-områder, med mindre dette er for å ramme inn dei spesielle føremåla som går fram av pbl. § 1-8, 4. lekken. I LNF-formål skal det elles ikkje gjerast andre tiltak enn tiltak som er naudsynt for landbruk og reindrift og gardstilknytta næringsverksemd basert på gardens ressursgrunnlag jf. pbl. § 11-7 punkt 5a. Vi viser til at kommunen har føresegn som tilet slike tiltaka innafor 100-metersbeltet.

Utanfor fleire næringsområde, til dømes på Grønholmen, går byggegrensa ut i FNFFA- område i sjø. Fylkesmannen ser ikkje at ei byggegrensa har nokon relevans innanfor dette føremålet.

LNF-spreidd

Kommunen har i revisjonen tatt inn mange nye område som noverande LNF-spreidd. I disse områda skal det ikkje kome nye einingar. Nokre LNF-spreidd område er markerte som framtidige område der det vert opna for «nye» einingar. Det vert ikkje opna for meir enn det som allereie ligg i kommuneplanen i dag. Fylkesmannen meiner det er bra at kommunen viser kor mange nye einingar som er bygd i LNF-spreidd områda per i dag og kor mange einingar som er igjen til resten av planperioden jf. føresegn 3.4.3.

I dei nye områda for LNF-spreidd er det fleire stader plass til fleire bustadtomter, sjølv om føresegna ikkje opnar for dette. Dette kan skape uklårheit og kanskje òg byggepress i desse områda. Fylkesmannen legg til grunn at kommunen vurderer eventuelle dispensasjonar til frådeling/ny bustad på lik linje som i eit ordinært LNF-området. Vi legg også til grunn at om det vert aktuelt med nye bustader i desse områder ved neste rullering av kommuneplanen, så må det utførast ei full konsekvensutgreiing.

LNF-spreidd i strandsona

Fylkesmannen meiner i utgangspunktet at ein ikkje kan leggje område for LNF-spreidd, verken framtidige eller eksisterande, i 100-metersbeltet. Om ein skal fråvike dette prinsippet må dette vurderast særskild for kvart enkelt område. Kommunen har utarbeidd ein funksjonell strandsoneanalyse. Fylkesmannen meiner at i område som kommunen ønsker å legge ut til LNF-spreidd eksisterande, kan ein nytta den funksjonelle strandsoneanalysen som grunnlag for vurderingane. I områder der kommunen vîk frå analysen, meiner vi kommunen må drøfte og vise i planskildringa kvifor ein likevel kan opne for utbygging her. Generelt meiner Fylkesmannen at ein må søkje å unngå meir utbygging i strandsona og særleg innanfor funksjonell strandsone, der dei verdiane som ein skal vektleggje etter lova er dokumenterte og til stades. Vi meiner difor at kommunen må ta ut dei områda med LNF-eksisterande som ligg i funksjonell strandsone.

Etter det vi har sett så ligg fem av LNF-spreidd områda (Kiparneset, Askeland, Ytstebøvågen, Nøtlevågen og Valderneset) heilt eller delvis i funksjonell strandsone. Fylkesmannen er spesielt kritisk til meir utbygging nærast sjø i Ytstebøvågen. I tillegg er Fylkesmannen ikkje samd med vurderinga av funksjonell strandsone i samband med LNF-spreidd eksisterande på Kvalheimsneset, og meiner difor at bustaden nærmast sjøen ikkje bør vere vist som del av LNF-spreidd.

I kommunikasjon med kommunen har vi fått opplyst at kommunen truleg kan ta ut området på Kiparneset fordi den er brukt som fritidsbustad og ikkje bustad.

Summert opp, når vi difor kommunen til å ta ut dei delane av nye LNF-spreidd eksisterande som ligg innafør funksjonell strandsone og LNF-spreidd området på Kvalheimsneset. Om kommunen likevel, etter ein konkret vurdering, meiner det er greitt å ha desse områda som LNF-spreidd, meiner Fylkesmannen at byggegrensa må setjast i vegglivet på eksisterande bustad. Føresegna må heller ikkje opne for at det kan førast opp større bustader enn det som er i dag.

Nokre stader er det ikkje samsvar mellom formålsgrense og byggegrense mot sjø. Dette kan skape ein uklarheit i planen som er uheldig. Fylkesmannen har forstått det slik at kommune skal gå igjennom LNF-spreidd områda og rette dette opp. Eksempel: Kastevik, Frotjol/ Nortaule og Valdersnes.

LNF-spreidd og landbruk

Nokre av dei nye områda som er sett av til LNF-spreidd – eksisterande, ligg i gode landbruksområde, men berre unntaksvis i omsynssone landbruk. Det ligg ein del dyrka mark innafør dei nye områda. Fylkesmannen meiner så lite dyrka mark som mogleg skal ligge i desse områda. Kommunen bør ta ut dyrka og dyrkbar mark som ligg i utkanten av LNF-spreidd områda.

Føresegn til LNF-spreidd områda (3.4.2 LNF-SBE og 3.4.3 LNF-SB)

Føresegna opnar for utnyttingsgrad på opptil 500 m² BRA/BYA. Dette er ei svært høg utnytting. Så store bygg skal ein vere varsam med å plassere i LNF-områda, då dei etter vårt syn kan ha vesentlege verknader på omgjevnadane (kulturlandskap/ estetikk mv.). Vi reknar med at så store bygg vil vere å rekne som unntak som, i eit landskap som på Radøy, vil krevje dispensasjonsvurderingar. Fylkesmannen meiner utnyttinga bør reduserast til 250-300 m² BRA/BYA.

Bruk av omsynssone H910 – Vidareføring av gjeldande reguleringsplan

Kommunen nyttar omsynssone H910 for å vise at det er ein reguleringsplan ein må ta omsyn til. I føresegn 4.13 står det mellom anna at eldre reguleringsplan gjeld føre kommuneplanen med unntak av der det framgår av den einskilde føresegna i kommuneplanen at kommuneplanen skal gjelde føre reguleringsplanen.

Dette er ikkje riktig forståing av omsynssona. Vi viser til Nasjonal produktspesifikasjon for arealplan og digitalt planregister, del 1, side 30:

«Hensynssone 910 skal kun benyttes der en reguleringsplan skal videreføres uendret. Pbl. § 11-8 tredje ledd bokstav f) forutsetter at arealformålene i reguleringsplanen er i samsvar med kommuneplanens arealdel for at hensynssone 910 kan brukes. Det er ikke en uendret videreføring hvis det oppstår motstrid mellom kommuneplanens arealdel og reguleringsplanen, for eksempel fordi kommunen fastsetter generelle bestemmelser til kommuneplanens arealdel som skal gjelde foran reguleringsbestemmelsene i planen. Med mindre også reguleringsbestemmelsen endres tilsvarende, kan hensynssonen i et slikt tilfelle ikke benyttes, jf. pbl. § 11-9.»

Omsynssone H910 krev at reguleringsplanen blir ført vidare uendra, utan noko som helst endring. Den kan ikkje kombinerast med at deler av ny kommuneplan skal gjelde saman med reguleringsplanen. Pkt. 4.13 er derfor ikkje gyldig.

Vidare er det krav om ny gjennomgang av vedtekne planar ved ei kommuneplanrullering. For omsynssone H910 kjem det fram i pbl. § 11-8 tredje ledd f. Det må gå fram av forslaget til kommuneplan at alle reguleringsplanar som skal gjelde uendra vidare, er gått igjennom og vurdert i høve til nye regionale og nasjonale føringar. Dette kan gå fram av planomtalen, men det må vere ein reell gjennomgang. Elles gjeld hovudregelen i pbl. § 1-5 om at kommuneplanen som den sist vedtekne

planen supplerer og endrar tidlegare vedtekne planar. Det er det som synest å komme til uttrykk i andre avsnitt i føresegna pkt. 4.13.

Dette punktet gjeld også for føresegnene om byggegrenser i pkt. 2.7 og 2.8, om bustad i pkt. 3.1.1, om fritidsbustad i pkt. 3.1.2 og m.a. pkt. 3.1.7 om næring. Det er sannsynleg at det også gjeld for fleire pkt. i føresegnene. Slik som kommunen har utforma dette, kan det vere uklårt kva som gjeld for vedtekne reguleringsplanar og kva som berre gjeld framover, for nye reguleringsplanar. Om kommunen held fram å nytte omsynsona på eldre reguleringsplanar utan byggegrense mot sjø, vil byggegrensa i kommuneplankartet ikkje utfylle planen. I slike tilfelle vil ein måtte legge 100-metersbeltet til grunn ved byggesøknad.

I møte med kommunen var kommunen klar på at dette punktet ikkje var tema for revisjonen, og uttrykte uro for at ei slik endring ville føre til at det ville vere naudsynt med eit nytt offentleg ettersyn. Fylkesmannen si vurdering er at kommunen må rydde opp i motstriden i kommuneplanen. Kommunen må sjølv vurdere om det vil vere naudsynt med nytt offentleg ettersyn, men Fylkesmannen vil ikkje krevje nytt offentleg ettersyn for ein slik endring.

Fylkesmannen meiner at kommunen framleis kan nytte omsynssona i nyare planer, der nye regionale og nasjonale føringar er ivaretatt. Då vil planen gjelde uendra. Eventuell byggegrense i kommuneplanen må i slike tilfelle fjernast. Innanfor regulerte område der kommuneplanen skal supplere reguleringsplanen med til dømes ein byggegrense mot sjø, må kommuneplanen gjelde ved motstrid jf. pbl § 1-5. Om kommunen ønskjer å vise at her er ein reguleringsplan og eventuelt presisere kva kommuneplanen supplerer med, kan det nyttast eit føresegnsområde.

Føresegn 3.1.1 Bustad – plankrav

I føresegn 3.1.1, 3. ledd står det : *«I område for eksisterande bustader kan fortetting av kvar eigedomen med inn til tre bueiningar skje utan krav til regulering jf. pbl. § 11-10 nr 1 på følgjande vilkår:*

- *Eigedomen er bygd med einbustad, einbustad med sekundærleilighet eller tomannsbustad.*
- *Eksisterande tilkomstveg og avkjørsle til offentleg kan nyttast.*
- *Eigedomen er sikra tilgang til vatn og har avlaupsanlegg som stettar dei krav som gjeld i dag. Ved etablering av nytt privat avlaupsanlegg eller framføring av leidningsnett til offentle avlaupsanlegg skal også eksisterande bustad koplast til anlegget.*
- *På større eigedomar skal dei nye bustadeigedomane plasserast nært til eksisterande bustadhus for å oppnå effektiv arealbruk, og unngå oppdeling av areal og restareal som ikkje kan nyttast tenleg. Det skal utarbeidast ein samla situasjonsplan for heile den opphavlege eigedomen før det vert gjeve løyve til oppretting av nye eigedomar eller løyve til oppføring av nye bustader.»*

Teoretisk kan denne føresegna opne for mange nye bustader i eit område utan plan. Dersom kvar eigedom kan ha ytterlegare tre nye bustader/bueiningar, altså fire bueiningar for kvar noverande bustad. Dersom det er fem eigedomar med ei bustad på kvar, blir det total 20 bueiningar utan plan. Fylkesmannen meiner føresegna opnar for ei for omfattande utbygging utan planavklaring og at dette må strammast inn og harmoniserast med rammene som er gitt i pbl. § 12-1, 2. og 3. ledd.

Fortettinga kan skje i områda for eksisterande bustader i KPA. Fleire områder som er merka som eksisterande bustad i kommuneplanen er i stor utstrekning ubygde, til dømes i Bøvågen. Dersom det er ein eller to bustader frå tidlegare, er det ikkje tale om fortetting, det er nytt bustadområde. Føresegna er heimla i pbl. § 11-10 nr. 1. Vi viser til Ot.prop nr. 32 (2007-2008) som omtaler føresegna:

«Nr.1 gir hjemmel for å kunne fastsette bestemmelser om at mindre utbyggingstiltak ikke krever ytterligere plan. Bestemmelsen er ny i forhold til utvalgets forslag og innebærer en viss lemping av kravet om at ny utbygging skal ha grunnlag i reguleringsplan. Det forutsettes at dette gjelder byggetiltak i eksisterende bebygde områder der den nye bebyggelsen kan innpasses i en bestående struktur, og at den nye bebyggelsen underordner seg bestående bygninger når det gjelder bygningshøyde, volum, grad av utnytting mv., samt at den nye bebyggelsen kan benytte seg av teknisk eksisterende infrastruktur og transportsystem. Loven forutsetter at det gis bestemmelser i planen som avklarer disse forholdene, og at dette er en forutsetning for å kunne nytte hjemmelen som grunnlag for å gi byggetillatelse. Dersom kravene her ikke oppfylles, vil det gjelde krav om reguleringsplan før utbygging. I slike tilfeller må blant annet forholdet til undersøkelsesplikt og eventuell dispensasjonsbehandling etter kulturminneloven være avklart»

Fylkesmannen si vurdering er såleis at føresegna i kommuneplanen er for vid, og opnar for meir enn kva pbl. § 11-10 heimlar. Føresegna må strammast inn. Den kan ikkje opne for eit stort tal nye bustader og kan berre nyttast i områder som i stor utstrekning er bygd ut.

Arealformål i sjø og havområda

Fylkesmannen er positiv til at kommunen ønskjer å gjere planen tydeleg for temaet akvakultur. Kommunen føreslår å løyse dette ved å leggje inn kombinerte føremål (FNFFA og FNFF) i plankartet og knyte føresegn til desse. Kommunen har etter det vi kan sjå utforma nye føresegner der FNFFA og FNFF vert omtalt som kombinert formål, utan at dette formålet går fram av kartet (skal visast med blå og kvite striper). Det kombinerte føremålet er i staden vist med bokstavar i kartet.

Fylkesmannen meiner at det er ein viss fare for at dette kan mistydast, sjølv om føresegnene for så vidt er klårt formulerte. Vi meiner at føresegna som no er knytt til FNFFA og FNFF i staden må knytast direkte til hovudformålet (Bruk og vern av sjø og vassdrag), slik kartet viser og ikkje omtalast som kombinert formål. Eventuelt må kartet endrast til å vise heile arealet som føresegna skal gjelde for som kombinert formål. Generelt meiner Fylkesmannen at det siste er ei uheldig løysing. Vi tilrår vanlegvis at område med kombinerte føremål vert avgrensa til der det er naudsynt, til dømes for å

visе område som kan nyttast til fortøyingar av oppdrettsanlegg i tillegg til andre brukskategoriar som let seg kombinere med dette. Desse kan avgrensast ut frå generell botntopografisk kunnskap (t.d. at ein set av areal kring AK-anlegg i ein avstand tilsvarande 2,5 – 3 gongar djupna på oppankringspunkt eller nyttar konkret kunnskap om eksisterande fortøyingar for vise dei aktuelle areala.

Konklusjon

Fylkesmannen har fleire vesentlege merknader til revisjonen av kommuneplanen. Men i dialogmøte og i kommunikasjon elles om planen, har vi hatt ein god dialog med kommunen om konfliktpunkta. Vi legg til grunn at det er semje om at kommunen no skal arbeide vidare med planen med sikte på å kome merknadane i møte, slik at ein så langt som råd kan unngå at det vert naudsynt for Fylkesmannen å vurdere om det må fremjast motsegn.

Vi legg til grunn at det òg er semje om at Radøy kommunen ved dette har opna opp for ein forlenga medverknadsfase, jf. pbl. § 1-4 og at Fylkesmannen får utvida frist til å gje endeleg uttale til etter at vi har fått vurdert eit endra planforslag. For ordens skuld ber vi om at kommunen stadfestar dette.

Fylkesmannen er open for ein vidare dialog for å løyse attståande konfliktpunkt dersom kommunen ønskjer det.

Vidare har Fylkesmannen i Vestland i brev datert 31.05.2019 kome med følgjande uttale;

Føresegn til LNF-spreidd områda

Kommunen har no redusert utnyttingsgraden frå 500 m² BRAVBYA til 400 m² og viser til at Meland har 400 m² og Lindås har forslag til 400 m². Fylkesmannen meiner utnyttingsgraden i desse områda bør reduserast meir.

Arealformål i sjø og havområda

Kommunen endrar no plankartet slik at FNFF skal visast som kombinert formål og Fylkesmannen har ingen merknader til det.

Fylkesmannen meiner vidare at det er viktig å klargjere at FNFFA ikkje er eit kombinert formål, men hovudformålet i sjø. Bakgrunnen for at Fylkesmannen meiner at dette er viktig er at i eit kombinert formål der akvakultur inngår, er det ikkje mogleg å sette føresegn som ekskluderer akvakulturanlegg, slik vi oppfattar at kommunen ynsker. Dette kan ein derimot gjere dersom formålet er hovudformål. Kommunen må difor fjerne bokstavane FNFFA i kartet slik at det ikkje er tvil om at dette er hovudformålet bruk og vern av sjø og vassdrag og ikkje eit kombinert formål. Kommunen må også endre overskrifta til 3.5.1 til «*Bruk og vern av sjø og vassdrag og fleirbruksområde FNFF.*» Andre setning i føresegn 3.5.1 må endrast til «*I hovudformålet, bruk og vern av sjø og vassdrag, inngår ikkje akvakulturanlegg, men fortøyingar for akvakultur inngår.*». I første setning i fjerde ledd må ordet «*fleirbruksområda*» endrast til «*desse områda*» og i femte ledd må «*fleirbruksområde*» endrast til «*område*».

Uteopphaldsareal og leik

Fylkesmannen vil elles peike på at føresegn om fortetting bør sikre areal til uteopphald og leik. Dette gjeld i føresegn 3.1.1 og 4.14.3

Rådmannen har redusert arealet på LNF-SE eigedomane i tråd med tilbakemelding/motsegn frå fylkeskommunen og fylkesmannen. Vidare er LNF-SE eigedomane som låg innafor byggeforbodsona i strandsona tatt tilbake til LNF ettersom etablering av tiltak der uansett vil ha trong for dispensasjon frå byggegrensa. Fylkesmannen meier vidare at utnyttingsvolumet på eigedomane bør reduserast til 300-250 kvm. Rådmannen har redusert utnyttingsvolumet frå 500 til 400 kvm., men ettersom fylkesmannen ikkje har motsegn knytt til volumet finn rådmannen at det bør fasthaldast på 400 kvm.

Når det gjeld mogeligheit for fortetting er denne føresegna revidert i dialog med fylkesmannen. Føresegna gjer ikkje lenger mogeligheit til fortetting innafor kvar enkelt eigedom, men mogeligheita til fortetting utan krav til regulering er avgrensa til 2 bueingar i kvart enkelt gult område.

Når det gjeld arealføremål i sjø har det vore ein omfattande dialog med Fylkesmannen i Vestland. Hovudføremålet bruk og vern av sjø er det føremålet som no i hovudsak dekkjer sjøområda i kartet. Område med påskrift FNFF og FNFFA er tatt vekk og føresegna er knytt direkte til hovudføremålet. På den måten kan ein behalde den blå fargen i kartet (FNFF og FNFFA er kombinerte føremål som måtte hatt ha vore blå og kvite striper), og samstundes regulere at forankringar til akvakulturanlegg inngår i føremålet. Rådmannen finn at dette er den klart beste løysinga og Fylkesmannen i Vestland har stadfesta i e-post den 04.06.2019 at dei er samd i at dette er ei god løysing.

Det er rådmannen si vurdering at det kan gjerast vedtak om godkjenning av delrevisjon av Kommuneplan for Radøy kommune 2011-23.

Til vedtak vil planframlegget innehalda følgjande reviderte og nye plandokument:

- Planskildring (revidert 04.06.2019)
- Plankart (revidert 04.06.2019)
- Planføresegner (revidert 04.06.2019)
- KU for LNF-SBE-områda
- GIS-analyse av LNF-spreidd bustad eksisterande
- Strandsoneanalyse

I tillegg inngår følgjande gjeldande plandokument og vedlegg i Kommuneplanen for Radøy kommune:

- Samfunnsdelen
- Gjeldande KU
- ROS
- Landskapsanalyse Mangersnes og Syltanaset
- Temakart kjerneområde landbruk
- Temakart landskapstypar og naturmiljø, viltkartlegging

Godkjente plandokument vil i samsvar med plan- og bygningsloven § 11-15 verte kunngjort på kommunen si heimeside og i fulldistribusjon i Strilen, samt med varslingsbrev til departementet, fylkesmannen, regional planmynde og aktuelle statlege mynde.

Rådmannen sitt framlegg til vedtak:

Framlegg til revidert Kommuneplan for Radøy kommune 2011-23 vert lagt fram til kommunestyret for godkjenning med heimel i plan- og bygningslova § 11-15. Formannskapet rår til at kommunestyret vedtar planforslaget slik det ligg føre.

Grunngjevinga går fram av saksframlegget.

Formannskapet i Radøy - 032/2019

FS - handsaming:

Fungerande leiar teknisk forvaltning, Silje Haukedal og arealplanleggar Rolf Raknes presenterte arbeidet som har vore gjort med kommuneplanen.

Delrevisjonen av arealdelen i kommuneplanen har grunnlag i planstrategi for Radøy kommune 2012-2016, vedteke i møte 01.11.12, sak 079/2012. Etter planstrategien skal revisjonen omfatta føresegner, strandsone og havområde, samt bustadar i LNF-område.

Det vart vist til at tema for delrevisjonen kjem fram av oppstartsvedtak og vedtak om oppstartsvarsel og offentleg ettersyn for planprogram, samt planprogrammet vedteke i sak 010/2014:

- Føresegner med fokus på plankrav, eksisterande bygde eigedomar i LNF, kulturminne og havområde, samt korrektur mot plankart.
- Strandsone, byggegrense mot sjø, arealføremål i sjø og havområda

- Heilårsbustadar på frådelt eigeidomar i LNF-område

Det vart vist til at tema er valt med tanke på at dei ikkje utløyser krav om full konsekvensutgreiing og inneber at det ikkje kan gjerast endringar i blant anna arealføremål.

Det er kome inne ein god del innspel i planprosessen. Dei private innspela går i hovudsak på endring av arealføremål. Dette er endringar som ikkje er ein del av temarevisjonen og som vil utløysa krav til full KU og som dermed ikkje kan takast med i denne planprosessen.

Administrasjonen har konsentrert seg om å løysa innspel/motsegn som er kome frå Fylkesmannen i Vestland, Hordaland fylkeskommune og Statens vegvesen, ettersom dette er tilhøve som potensielt kunne ha stoppa planen.

Mange av innspela som har kome frå dei offentlege instansane har vore enkelttilhøve som går på retting av eksisterande plan, sikring av kulturminne og plantekniske løysingar.

Ut over dette har det særleg vore følgjande tema som har vore gjenstand for diskusjon;

- Størrelse på LNF-SP eksisterande område, her under kor mykje ein kan få byggja på desse eigeidomane og plassering av desse i den funksjonelle strandsona.
- Opning for fortetting i bustadområde i føreseigna utan krav til regulering.

Administrasjonen viste til at desse tilhøva er løyst i planforslaget.

Leiar teknisk forvaltning oppsummerte kva ein oppnår med planen slik den no ligg føre:

- Radøy kommune får eitt overordna felles planverktøy for heile kommunen (kommunedelplan Manger og sør er tatt inn i kommuneplanen).
- Basert på funksjonell strandsonanalyse er det lagt til byggegrense til sjø i dei områda som ikkje hadde dette tidlegare. Kommuneplanen regulerar dermed byggegrense til sjø i byggeområde.
- Det er rydda i arealføremåla, samt føreseigna til sjøområda. Dette inneber blant anna at det er klart at fortøyingar til akvakultur kan liggja utanfor sjølvve AK-område utan at dette krev dispensasjon. Eksisterande frådelt heilårsbustadar i LNF-område utanfor funksjonell strandson er endra til LNF-SE (LNF spreidd eksisterande). Dette inneber at det vert opna for byggetiltak utan krav om dispensasjon.

Avslutningsvis peika administrasjonen på at det kan vera gode grunnar for å leggja til ein # framfor planid til gjeldande reguleringsplan i plankartet, og same # i teiknforklaringa til føresegnsområde slik at det skal bli endå meir tydeleg at desse føresegnene gjeld for dette området. Dette er ikkje gjort i plankartet slik det ligg føre, men administrasjonen ber om at det vert gjort vedtak om at dette kan leggjast inn.

Formannskapet stilte ei rekkje spørsmål som administrasjonen svara på.

Formannskapet vedtok rådmannen sitt framlegg til vedtak.

FS - vedtak:

Framlegg til revidert Kommuneplan for Radøy kommune 2011-23 vert lagt fram for kommunestyret til godkjenning med heimel i plan- og bygningslova § 11-15. Formannskapet rår til at kommunestyret vedtar planforslaget slik det ligg føre.

Grunngjevinga går fram av saksframlegget.

Vedlegg:

Planskildring _KDPdelrevisjon_v04062019

Plankart_Hoppl_KPA_Radøy_delrevisjon_v04062019

KP føresegner til slutthandsaming 04.06.2019

Vedlegg 1 - føresegna - Reguleringsplanar som framleis skal gjelde uandra (H910)

Vedlegg 2- føresegna - Definisjonar

Vedlegg 3 - føresegna - Andre viktige lovverk som vedkjem planlegging og sakshandsaming etter plan- og bygningslova

Delrevisjon_2018_supplerende_KU (216644)

16012018_Bustadhus i LNF_Buffer 50m_5da (220031)

Rapport_FS_redusert_filstørrelse_obs_lav_oppløsning_kart (220048)

Merknadskjema_KPA_temarevisjon_2019

Radøy kommune

Saksframlegg

Saknr	Utval	Type	Dato
015/2019	Formannskapet i Radøy	PS	09.05.2019
019/2019	Kommunestyret i Radøy	PS	20.06.2019

Sakshandsamar	Arkivsaknr.:	Dokumentnr.:
Jarle Landås	18/288	19/5571

Utviding av IKT Nordhordland - kommunalt oppgåvefelleskap, samarbeidsavtale §19

Saksopplysingar:

Bakgrunn

Kommunestyra i eigarkommunane til IKT Nordhordland (IKTNH) gjorde i juni 2018 vedtak om at ein skulle starta opp arbeidet med å sjå på mogeleg utviding av IKTNH.

IKT Nordhordland vart etablert i 2011 gjennom ein samarbeidsavtale mellom Austrheim, Fedje, Lindås, Masfjorden, Meland, Modalen, Osterøy, Radøy og Vaksdal om leveranse av IKT-tenester til kommunane. Eininga vart organisert som eit § 28 vertskommunesamarbeid med Osterøy kommune som vertskommune. I 2018 vart samarbeidet omgjort til eit § 27-samarbeid.

Samarbeidet har ført til gode og effektive IKT-tenester i regionen, og samarbeidskommunane har fått gode og effektive tenester av høg kvalitet.

Sidan 2016 har Austevoll kommune kjøpt IKT-tenester av samarbeidet.

Eigarkommunane har hatt to saker om IKTNH til handsaming i løpet av 2018:

- Februar 2018
 - Omgjering av vedtektene frå § 28 til eit § 27-selskap
 - Oppstart av konseptfasen om utgreiing av spørsmålet om utviding av IKTNH
- Omgjering av vedtektene frå § 28 til eit § 27-selskap
- Oppstart av konseptfasen om utgreiing av spørsmålet om utviding av IKTNH
- Mai/juni 2018
 - Arbeidet med å utvida IKTNH bør starta så raskt som mogeleg

Bestillinga frå kommunestyra om å sjå på ei mogeleg utviding av IKTNH er no gjennomført. Vedlagt er rapporten frå arbeidsgruppa og forslag til endring av samarbeidsavtalen.

Oppsummering av rapporten

Utgreiingsarbeid (rapport Hovudprosjekt Utviding IKTNH) er no gjennomført og konklusjonen er at IKTNH bør utvidast med kommunane Austevoll, Gulen og Samnanger. Austevoll er i dag drifta av IKT Nordhordland og det vil berre vera mindre justeringar når dei vert tatt inn som ordinært medlem. Dei to andre kommunane har ein struktur og storleik som gjer at dei lett kan takast inn i drifta til IKTNH. Alle tre kommunane ønskjer å bli med i IKTNH som ordinær deltakar.

Ei utviding vil medføra betre utnytting av den kapasitet og kompetanse som IKTNH har bygd opp. Og vil frigjera ressursar som kan styrkja naudsynt satsing på digitalisering og innovasjon for å møte framtidige behov og krav på ein god måte.

Tilleggskostnader for implementering av utvidinga vert finansiert av kommunen dette gjeld.

Ei utviding av IKTNH vil stilla større krav til eintydig styringsstruktur. Det vert derfor tilrådd at IKTNH vert eit eige rettssubjekt. Det betyr følgjande:

- Osterøy kommune vert ikkje lenger kontorkommune
- Dei tilsette vert overført frå Osterøy kommune med alle rettar til IKTNH
- IKTNH kan vera ein avtalepart og inngå avtaler
- IKTNH kan ta opp lån.

Dette legg til rette for ei god drift framover, og seinare eit grunnlag for vidare utviding dersom det skulle bli naturleg.

Handsaming av rapporten i regionen

Rapporten og den konkrete tilrådinga:

Rapporten har vore handsama i Rådmannsutvalet i møte 14.01.19 (sak 3/19) og Regionrådet i møte 25.01.19 (sak 6/19), og har tilrådd følgjande.

- IKTNH vert utvida med kommunane Austevoll, Gulen og Samnanger
- IKTNH vert eit eige rettssubjekt

Saka har også vore i strategiutvalet og seinast i rådmannsutvalet 29. mars 2019.

Samarbeidsavtalen

I ny kommunelov er § 27 erstatta med § 19 som er kommunalt oppgåvefellesskap. For den type oppgåver som IKTNH utfører, er det naturleg at samarbeidet vert vidareført som eit kommunalt oppgåvefellesskap.

Kommunelova § 19 set formelle krav til kommunalt oppgåvefellesskap. Desse krava er ivaretatt i vedlagte forslag til samarbeidsavtale. Representantskapet er det øvste organet i eit kommunalt oppgåvefellesskap og bør i dette tilfelle bestå av ordførarane i deltakarkommunane. Representantskapet vedtek dei overordna føringane for selskapet og vel eit styre som bør bestå av rådmennene i deltakarkommunane.

Rådmannen sitt framlegg til vedtak:

1. Radøy kommune vedtar at IKT Nordhordland kommunalt oppgåvefelleskap vert utvida med kommunane Austevoll, Gulen og Samnanger.
2. Radøy kommune vedtar samarbeidsavtalen for IKT Nordhordland kommunalt oppgåvefelleskap slik den ligg føre.

Formannskapet i Radøy - 015/2019**FS - handsaming:**

Formannskapet vedtok rådmannen sitt framlegg til vedtak.

FS - vedtak:

1. Radøy kommune vedtar at IKT Nordhordland kommunalt oppgåvefelleskap vert utvida med kommunane Austevoll, Gulen og Samnanger.
2. Radøy kommune vedtar samarbeidsavtalen for IKT Nordhordland kommunalt oppgåvefelleskap slik den ligg føre.

Vedlegg:

IKTNH Utviding Hovudprosjekt

Samarbeidsavtale IKT Nordhordland - 12 kommunar - §19